



序

龐子雪崖官京師退食之暇輒開唐吟味凡人情物態境會時序之所感觸靡不寓之於詩故其詩



最富官翰林有集官舍人有集官工部有集今年夏以舍人集見示則其左調中書時之所作也余受而卒讀大率根柢於少陵而出入於盛中唐之間故其風格蒼老神味淡遠卓然自名一家夫庖丁之解牛梓人之削鐻僮僕丈人之承蠲不過久則孰熟則丁且巧雪崖之於詩口不停吟者無虛日庶幾歷久而熟故其工如此乎然而雪崖之詩之所以工則不啻在此也雪崖之詩雪崖之人爲之也今之在京師者大都役志於紛華奔走於聲利其神明之地營營逐逐無有寧晷卽欲托足於風雅強作性情之言閒遠曠達之語每格格而不吐蓋其人不如是而欲其言如是是安得有詩哉雪崖原本忠孝所勵者學問所樹者人品升沉得失一以委之義命凡聲利紛華之可慕可悅者舉不以介其胸中則其性情乃真性情其閒遠曠達乃真閒遠曠達與發成吟直寫胸臆不求工而工益至焉故曰雪崖之詩雪崖之人爲之也不然若

承蠲削錄者志有所紛神有所役則其工巧必不能至又烏令見者驚猶鬼神乎憶乙卯之秋余與雪崖同舉京兆爾時同人畢集論文角藝談讌流連極一時之盛比來落落望若晨星其間之升沉得失不特聚散今昔之感而已惟雪崖之澹泊寧靜隨寓而安二十年如一日而其詩亦日以工然則讀雪崖之詩者因以想見雪崖之爲人於其詩之所以工思過半矣康熙甲戌夏六月浙西同年弟曹鑑倫序

舍人稿序

嵩碧山房詩目錄

舍人

卷一

丁卯京集詩五十九首

卷二

戊辰京集詩三十八首

卷三

己巳家集詩十一首

卷四

己巳河南詩五十六首

卷五

舍人稿目錄  
庚午京集詩四十一首

卷六

辛未京集詩一百一十五首

卷二

庚午京集詩三十八首

卷二

叢碧山房詩二集卷一

舍人稿

任丘龐 增雪崖著

丁卯元旦

四隣爆竹驚酣睡起着 朝衣坐夜闌豈有椒花

酬令節強斟濁酒敵宵寒黃楊閏轉過今日

丙寅閏四

月朱字門題改舊官却憶家庭諸弟妹一堂笑語

共承懽

元旦入朝馬上作

金闕鳴鐘萬戶開五更欲盡小童催休看白髮絲

絲長且喜春光冉冉回老馬尚知前度路朝衣不

舍人稿卷一

改舊時裁一官底大偏相戀笑殺何公往復來

東衛紫極舍人

掖垣西下亦清班雨雪追隨共舍間華髮七年依

魏闕黃河九曲憶秦關省中視草聽鷄入寺裏看

松踏月還

衛寓慈仁寺內

樽散如余君不棄春盤佐酒趁

朝閒

元夕前一日米紫來中允招飲

街鼓千聲月欲圓 帝城烟火似前年微官苦戀

有何意故友相依劇可憐把酒休辭良夜醉觀燈

真上米家船三更騎馬忘歸去貪看銀花萬樹鮮

又

元朝已過元夕近景色關心興轉賒不分年光催  
老大且看燈火鬪繁華十千美酒浮仙液九陌輕  
雷走鈿車爲語諸君休惜醉明晨不擬上官衙朝  
十五十六日免  
各官入衙辦事

身事

尚作京華住重嗟身事難養親貪薄祿戀主就  
卑官寒食愁中過家山夢裏看寸心真似結盃酒  
詎能寬

送徐電發檢討旋里

舍人稿卷一

二

沿堤芳草翠初勻千里孤舟問去津中歲情懷常  
惡別殊方花鳥況逢春回思獻賦蓬萊日偏感行  
吟憔悴人我亦前年舊遷客臨岐執手倍沾巾

又

沽酒河亭花正開勸君莫惜盡餘盃青山有路堪  
長往白髮何心悔再來故里好留三徑在全家喜  
并一舟回却憐十載同朝客瘦馬衝塵亦可哀

送王省齋觀察赴天雄兼訊袁杜少編修

勅書新領下燕臺翠節朱旛千里開瓠子河邊青  
草合百花塢裏早鶯催清時障塞無烽火晴日登

臨有酒盃爲問袁生高以處春深應已沒蒿萊

張存源戶部乞養歸陽城賦送

宣武門西倒酒尊  
羨君此日返鄉園  
高堂自念慈親老  
北闕寧忘聖主恩  
梅雨過溪雲乍暝  
萱花垂砌夏初繁  
慚余有願何時遂  
前路相看欲斷魂

午日偶感

又逢令節在長安  
曉沐芳華木著冠  
念切庭闈嗟遠道  
貧資升斗戀微官  
朝餐不改前時懶  
去住翻憐此日難  
猶有阿咸堪共飲  
時姪韓在寓聊呼濁酒

罄清權

又

合人部卷一

三

佳晨初起浴蘭湯  
短袂單衫薦曉涼  
既有綵絲能續命  
何妨白髮更爲郎  
酒錢屢乞逢司業  
勵近公編修送儀羹伴長齋  
笑太常且喜官曹閒  
似昨攤書竟日坐匡床

擬送張肅昭領 詔粵東

九重命下換征裳  
象郡交城道路長  
乍睹雙旌離輦路  
遙隨四牡到蠻方  
千山霧雨枕椰暗  
八月秋風荔子黃  
他日題詩尋古蹟  
五羊雲樹正蒼蒼

送孟枚先觀察赴通州

多病京華仍送客，迎朝騎馬帝城邊。  
軍前金鼓趨騶吏，河下帆檣並米船。  
戀闕情深依畫省，離心日暮起秋蟬。  
誰憐酒盡分攜處，雲樹蒼蒼暗晚烟。

送胥麓菴守石阡

石阡何處是萬里，阻燕關山勢連銅鼓。  
人烟雜白蠻時平甌，脫息地僻簿書閒。  
典到仍呼酒，高吟翠竹間。

又

天外一麾遠，蠻方舊俗非。  
疎籬竹鷄入晚市，女郎歸後會知何。  
日臨行更挽衣，十年京國意寥落，寸

舍人稿卷一

四

心違

和紀孟起都諫立秋日喜晴之作

連日陰霖今日晴，高梧一葉下秋聲。  
餘炎未擬收團扇，小飲聊堪近短檠。  
騎馬正愁前路滑，來詩真接曉風清。  
多才信有黃門客，欲和新聲愧未成。

送李舊爲幸河內

騎馬衝泥出離亭，送客行交新隣異地酒。  
盡惜長征老樹天真觀，青山碗子城遙知相望。  
處千里暮雲橫。

聖安寺同李渭清公凱朱錫鬯餞別曹子仁  
秋光滿鹿苑松杉生晝寒曹子將告歸携酒追清  
權相將二三子中坐發長歎物情見銷落世路憎  
波瀾夙昔同心人幾復在長安胡爲感尊鱸嚴駕  
越江干念余與之子殊形託肺肝五載共直廬昕  
夕互盤桓良覲疎分曹况隔瀟湘寬蔓草色已變  
寒蟬啼欲殘石堂開晚磬白日隱林端此會那可  
再盃到勿辭乾同心感離析人生此實難

送李吉占宰容縣

十載託兄弟相憐獨有君一官還抱病萬里悵離  
羣黎嶺無秋雁蠻溪足瘴雲含情感流水嗚咽不

堪聞

九日同戴九萬杜令式萬壽寺登高

良辰忽動登高興出郭風光處處幽白社乍憐雙  
樹古黃花又見一年秋多才杜牧誰輕薦善病相  
如已倦遊回首鄉關驚歲晚寒雲斷雁共生愁

又

地遠風塵靜不喧蕭蕭落木滿祗園興來倍喜逢  
佳節愁破偏憐有酒尊遊子過橋仍戲馬山僧送  
客白關門蒹葭無限烟波好明日還來問水源

重陽買菊數本獨對小酌

四十八度重陽日今日重陽倍可憐  
年往會無還少法官貧寧惜買花錢  
鄉路隔寒雲外鴻雁秋深落照前  
獨把一杯攪薄醉滿庭風露月娟娟

九月十二日大司成曹峨嶸以太夫人誕辰  
相招諸同人並集觀劇

九日雖過餘興在招邀騎馬晚能來  
黃花留共同人賞春酒重爲阿母開  
新曲調高饒可聽嚴城漏下莫相催  
年年此夕風光好常得尊前侍晏回

題臧介子舍人中秋玩月圖卷

舍人稿卷一

六

梧桐露重晚風清客邸逢秋倍有情  
欲向樓頭舒望眼月華偏似故鄉明

又

憐君苦愛中秋月宦海飄零幾地看  
閒按書圖追往事此年此夕在長安

挽馬天衢

常侍前朝貴平生意氣多殘年今日盡  
弔客幾人過空院喧山雀涼風動薜蘿  
茫茫百端意流恨滿

山阿

又

死去應無愧悲君歷苦辛田廬無舊業老病只孤  
身僮僕分遺物床幃掩暗塵笑言思昨日觸目一  
沾巾

送曹子仁檢討和渭清韻

官貧性懶惟高臥送友今朝始出門故舊人拂悲  
去國遭逢事徃憶承恩北風忽送千山雪長路空  
驚九折魂此別何時重會面筵前莫惜倒殘尊

又

仲冬北地寒尤苦大雪連天送客歸白髮驚心時  
欲暮故人攜手願重違簷前翠竹陰仍滿江口黃  
魚鮮自肥今日憐君歸計好春明我亦解朝衣

舍人稿卷一

七

至日早朝

闈闔門開九禁通東方曙色靄瞳瞳日躔乍喜回  
南陸典禮先傳拜兩宮寶扇影搖雙闕外仙墩  
聲徹半天中太平有象徵雲物慶賀還應萬國同

又

天開子月一陽動典禮輝煌比歲端玉檢金函來  
萬國鵷行鷺序引千官珠旗盡向階前繞龍袞  
遙從殿上看何幸小臣逢盛會光華復旦誦尤難

至日咏懷

年尤忽忽逢長至曉日初晴上北軒殘雪尚留堪  
對酒早朝纔下便關門冷署幸無官長罵尺書枉  
用故人存才微家遠思偏切一體 君親欲報恩

又

纔從君王迎歲回煖寒旋自醞新醅官同岐路悲  
南北

余以謫官宜陞京堂  
以中書宜陞土事

老畏流年有去來幾處

朱門盈賀客殊方雲日紀靈臺偏憐節候驚時物

小樹香梅半欲開

又

過眼年光冬復半一陽初轉氣尤寒同人莫怪朝

舍人稿卷一

八

參嬾卒歲偏愁衣褐難板屋增寒憐僕臥匏尊無  
綠惜孟乾殘書未厭消長夜爐火更深坐自攤

又

短景微增候欲新自呼濁酒對佳晨乞錢曾說蘇  
司業送米今逢徐舍人

徐藝初同  
官有餽

疎懶只應揀共

棄才名何有轉相親謀生豈合無長計受惠惟多  
愧此身

又

千門寒色曉蒼蒼館舍爐紅酒正香且喜愁窮逢  
此日休驚歲晚是他鄉 紫宸朝罷仍呼友薇省

官閒更舉觴爲念人生在行樂任從白首笑馮唐

又

至長長引客愁生南望虞丘路幾程風定虛溝千  
樹直雲開督亢一川晴中年倍覺憐兒女多病何  
堪阻弟兄谷口子真應笑汝苦食升斗廢躬耕

寄趙子子孝廉

吾友趙生慷慨士十年鄉貢未承恩家貧強借西  
隣米客到頻呼遠市尊瀛海分塵還共社扶風受  
業本同門

趙與余同出楊  
維揚先生本房

亦知卒歲艱難甚冷署

旣寒愧具論

舍人稿卷一

九

挽孝廉趙贊陽先生

趙鹽山人安貧  
樂道不就膺仕

竟有斯文歎邦家惜此人一經從白首八口任長  
貧德行思陳寔儒宗失賀循傷心憐世好淚下欲  
沾巾

送劉六皆守思南

聞君領郡思南去臥病心傷出餞遲兩雪何堪逢  
歲暮雲山無那悵生離濤聲夜轉巴江水社鼓春  
喧馬援祠他日題詩憶劉尹風流長感月明時

鄉中送米不至

乞糴鄉園日已久盈車不見送長安年豐穀賤市

還滿水澗冬深路儘寬  
虛擬奔雷爭迅速翻同出  
谷勢艱難連朝側聽無消息  
重怪家人問曉餐

早衙

朝寒高臥臥方穩  
又被人催上早衙  
臘日漸高喧市井  
城門乍啓擁柴車  
皎冰凍合一條玉  
鴛瓦晴分五色雲  
影過花磚餘懶在上林  
久已散宮鴉

同李渭清宋稚公訪馬貞乾評事留飲

馬君七尺奇男子  
放廢無端惜此身  
何處得錢仍喚酒  
偏憐過午苦留賓  
不疑曾是偷金客

馬坐權稅缺額

失職宋玉原來作賦人

時讀宋子近作

更愛東山李供奉尊

前笑語盡情真

舍人稿卷一

十

太皇太后違豫 上素服躬率羣臣步禱

員丘恭紀

南郊特舉禮尤隆儀仗宵傳出 禁中羣下暫收

蒼玉佩 至尊重謁上清宮  
虔將九獻明禋意祈

保千秋聖善躬一氣關心念 文母應知舜孝比

難同

又

吾皇大孝超千古  
步禱祈靈太乙壇  
龍趾親

移來御路齋衣聯隊走羣官  
應知帝座精誠格

似聽山呼 玉體安懿德同天依 聖母千秋萬  
歲共承權

又

孺慕情深感 至尊告虔駕出大清門陳詞祝史  
揚清唱執邊羣公肅駿奔上界居高惟 太帝  
一人有道託曾孫感通合在無言內達孝弘慈兩  
足論

又

太姒懿徽人共仰南郊降禮古尤稀金根免御宮  
中駕火藻朝更殿上衣致禱 皇心原自切先天

舍人稿卷一

十一

孝德詎能違俄聞 玉體還清泰臣庶懽聲滿

帝畿

又

太乙壇高侍建章漢宮祀事總荒唐詎聞明發懷  
王母親見齋宮禮玉皇寶鼎烟濃香泛泛瑤堦霧  
靄樹蒼蒼史臣操筆應詳記孝德堪垂奕禩光

典壽應友人之急

春山潑墨愛營丘久挂清齋供臥遊舉火乍聞朝  
日窘質錢聊應故人求練車乍共輕輕轉嵐霧虛  
憐欵欵收曾說王公無長物蕭然環堵白風流

送朱德園觀察赴饒州

錢唐江濶通彭蠡兼領名州赴水涯坐擁牙旗開  
幕府手持龍節出天家班聯十載依黃閣水雪  
連朝送使車惆悵故人騰踏去可憐白首困京華

東閩公度大行借米

乞米長安苦不足故園價賤劇堪憐青蚨已辦歸  
鄉曲白粲何時到客邊有約已過長至日連朝真  
沈在陳年比隣高義能相濟霧靄中厨見曉烟

米盡再借

前朝借米今朝盡復請發棠棠復開乍喜秦舟能

舍人稿卷一

十一

再泛却慚顏帖是重裁供食白粲傾囊出乞火青  
童比舍回念切同心方鄭重官貧肯受外嫌猜

題童鹿遊滄浪濯足圖

長安十丈苦風塵美爾披衣得任真到處滄浪堪  
濯足只應難得是閒身

鄉間送米至

瓶空罍罄正愁余戶外遙聞駐犢車滿載喜看高  
號米平安兼接小兒書連天水雪偏能致數月舖  
糜幸有餘一飽吾生欣已足長歌寧敢歎無魚

鄉車旋里以俸米寄獻 老父因念壽辰聿

遷新歲又臨瞻望南雲尤增眷戀

官卑祿薄無餘物乞米還分寄故園久曠耕田慚  
子職聊充餽粥自君恩庭闈笑語添籌日弟妹  
團圓獻歲尊翹首南天遙悵望斜陽寂寂欲消魂  
念四夜偶成

披鏡憐雙鬢流光可奈何一官慚不達去日苦偏  
多舊曆看無用新春又重過呼童賒濁酒適意且  
高歌

又

禮竈聊隨俗明燈照眼新可憐今夕酒還醉異鄉  
身氣弱寧辭病官卑豈救貧何爲久留滯回首愧

鄉人

又

轉覺新年近經營事却非苦寒纔臘轉畏老又春  
歸尊酒方堪把明星漸欲稀君門應已啓趨走  
問朝衣

叢碧山房詩二集卷二

舍人稿

任丘龐 堽雪崖著

太皇太后挽章

懿德齊文母開疆鐵嶺東丕承神祖共翊運九  
人同殂落傳宮禁哀號遍國中史臣思紀述執管  
恨無窮

又

鳳駕遲明發英靈衛百神人哀同喪妣天慄不成  
春會送雕題集逆行祕器陳五龍亭畔路從此

罷清塵

五龍亭大  
皇太后避暑處

舍人稿卷二

又

九獻宮門畢笏簫輜輅典舍飴悲事往曳紛繼今  
稱風雨思文祖松楸戀孝陵遺命殯依遙  
世祖陵  
瞻柏城路慘慘暮雲凝

又

忍憶千秋夜深宮母德尊戡除還正朔付託得  
神孫繪粉靈衣濕鏤金象物繁亮陰三載意真足  
報慈恩

又

聖壽七齡外慈恩五紀寬朝臣紛雨泣高旒動春

寒翠柏山靈護 元堂玉座安 天顏哀毀甚  
絕路人看

寄丁雁水觀察

君從贛口移荆楚 駐節重經兩載餘  
但使長看黃鶴月 無妨且食武昌魚  
艱難倍覺懷知己 疎懶翻憐絕尺書  
渺渺湘江春水闊 斜陽悵望一愁予  
送及佩韋秀才還交河

十載同心託弟兄 長安沽酒倍留情  
高名莫倚經

五晏

及見知于李諱臣學使

單綖誰當重 彌衡世路無端空

按劍鄉田猶在且 歸耕可憐相見還  
相別愁聽離

亭二月鶯

舍人稿卷二

二

孫澹軒國公書舍新成索題

兔園舊地

先皇賜

公所居卽義王府世祖皇帝勅建

精舍新開

一畝餘旋展藥欄 栽野竹重添水藻  
蘂文魚深巖近接三公府 文雅初瞻  
萬軸書欲賦良遊無妙思 白頭授簡愧相如

又

禁城晴色靄餘暉 門館人稀一鳥飛  
碧樹青連小山桂 雜花香撲令公衣  
朝回秘卷閒常把 客到名園坐不歸  
幸值太平無事日 玉壺春酒莫相違

又

草堂新結憐幽折蒲倚竹床坐自隨久識將軍容  
揖客豈知王子善吟詩酒肴向晚家旋辦花樹連  
行手自移最是春光看不足山桃低放入簷枝

送張晴峰少叅赴榆林

五載尖山怨別離風塵回首髯如絲秦關此去三  
千里再得相逢又幾時

又

故人持節秦中去一曲離歌恨不休極目雲山千  
萬疊相思何處夢葭州

又

舍人稿卷二

三

宣武門西下使車鶯花悵望意何如故人此去常  
相憶莫惜榆關一紙書

初度日宋稚公賦四詩爲壽依韻奉酬

評事宅中初見日憐君意氣自孤騫論交有道纔  
傾蓋問疾關心屢過門愛逐蒼頭分茗飲

宋喜嗜  
茶與余

同慚看畦菜出盤殮相扳各說高堂老俛首燈前  
憶故園

又

入夏經旬尚薄寒曉風庭院怯衣單清齋竟日掩

佳客白髮十年耐冷官自晒形骸同土木虛勞贈  
句比琅玕尊前月上休歸去旅邸應憐會聚難

又

疎慵自喜逢迎少晝掩蓬門長綠苔彌勒有龕聊

共住

余齋中供  
烏斯藏佛

匏尊對客且須開故人不厭微官

老令弟頻推小宋才已約入都同過訪晚涼還擬  
趁高槐

又

四月榴花開欲勻花前酌酒見情親年華遞轉悲  
流水馬齒增長愧此晷薄劣何當勞記憶笑言聊  
取慰風塵披衣莫厭頻來往好友難逢是一真

舍人稿卷二

四

送趙旦復遊閩中

良會那可常遠別已及期遊子戀舊交執手與我  
辭此行旣越地炎荒海一涯其人多文身出入同  
蛟螭孤身萬里外懼爲道路欺君子存忠信黽勉  
隨時宜白珪寧可磨柔謙終自持朝濟桑乾水暮  
宿督亢陂君能保歲寒焉慮歸來遲

又

閩海不可極塵沙暗平原此去萬餘里何時反故  
園衣食驅壯士孤蓬棄本根所愧在至交力薄難

相存伍員乞吳市食其就監門賢傑昔未遇往往  
阨蹙殄隱忍隨時會吾道常自尊人生感意氣離  
合安足論

又

鴻鵠輕千里男兒志四方人生不得意焉用守故  
鄉慷慨呼僕夫中夜促行裝南行陟幔亭高標插  
穹蒼奇峰三十六羅列爭低昂長揖武夷君傾壺  
出瑤漿半酣激長嘯神氣何飛揚濯足九曲流踰  
髮陽阿傍寧知同心人相思懷永傷

哭郝颺嘉舍人

舍人稿卷二

五

一官嗟白首十載近黃扉趨走生涯苦田園晚計  
違殘書收敝篋歸視賣朝衣有泪爲君盡傷心看  
落暉

又

憶昨逢君處層城晚照開攜行金闕下同哭  
梓宮回尚作招尋約寧知死別催黃泉痛倉卒腸  
斷有餘哀

又

不忍聞君死驚心淚欲殘兒生方在抱老死未遷  
官細雨銘旌濕春風旅襯寒歸魂望鄉隴寂寂抱

辛酸

又

將老失良友，妻其怨弗勝。待炊分祿米，借宅感山僧。  
僧借居僧舍薄宦虛相誤，浮生信可憎。茫茫九泉路，有夢亦難憑。

送霽晴嵐攜家歸澤州

忽得津門信，聞君歸興長。前行領兒子，將老憶家鄉。  
知足儔人內，投閒一水旁。還尋舊隣里，丘壑共相羊。

又

舍人稿卷二

六

廿載經營就山居，志不違園留三徑。在老博一官，歸問訊過隣。舍風塵，換旅衣。往來呼斗酒，談笑對斜暉。

又

清明歸路好，野麥綠初齊。悽愴思先隴，提攜伴小妻。  
山連巖嶺北，宅枕潞河西。一榻松陰下，閒聽翠鳥啼。

書鍾文子先輩傳後卽柬令嗣聖興

先生辭世經多歲，風節猶傳似古賢。客久已拋韋杜宅，官貧莫買謹陰田。搆園樹老留餘韻，葺嶺松

深見晚烟今日相逢阿戎在一尊凄絕話當年

午日欲訪蜀公友人留飲不果

客中忽忽過端午三百流光半欲殘轉惜浮生老  
將至從知佛法遇尤難擬親杖履求真諦偏有逢  
迎笑冷官苦被同人泥共飲花宮咫尺阻清懽

若之上人數問余疾兼約過寺感賦

不到招提經兩月繁陰入夏想高槐關心支遁還  
相憶示疾維摩倍可哀棋局偏宜松樹下香烟常  
入講筵來何時繫馬山門外愁眼逢君更一開

送家錦里兄權稅崇明

舍人稿卷二

七

崇明不可問海氣隱孤城積水生潮汐離心感弟  
兄鳴鼙吹巨浪小吏把前旌千里天南道炎熇念  
此行

又

家貧阨薄宦身弱病相侵正抱窮途恨難爲遠別  
心情隨原鳥切夢逐海門深旌旆悠悠去舍情託

短吟

又

立馬臨岐路斜陽未忍回亦知別離苦無那簡書  
催水舍郵籤報洋船估客來公餘一盃酒鄉思莫

深哀

述舊寄安靜子

丙寅遊東山憇馬濟南城喜得鍾士季因識安期  
生論心傾蓋間投分如弟兄探奇華不注弔古歷

下亭鬱鬱佛山高

干佛山  
在城南

潭潭峭湖清往來杳突

泉側坐聽龍鳴酒酣逸興發長嘯氣縱橫汝唱予

有和我歌子復賡一別如風雨兩載隔燕京改官

歸青瑣染翰趨承明良無逢時資頗爲流輩輕阨

窮過展季唇舌愧君卿五侯不造門七貴寧通名

忽憶曩時友伏處託柴荆雜花繞曲砌高柳蔭檐

舍人稿卷二

八

楹隱隱蒿萊間時聞讀書聲相將兩男兒討古窮  
精英科頭臥北牕竟日無逢迎思君令人妒緬焉  
抱深情

過聖安寺有悼郝中翰

古刹幽偏宜盛夏去年曾此憇閒身清談喜近竺  
高坐白髮重憐郝舍人竟日圍棋隨徑竹有時漉  
酒脫頭巾眼前依舊論心地似隔山河無路親

寄石左丞僉憲

帝里僦居常共巷隼輿一別阻天津故人連歲稀  
書札倦客逢秋乞病身乍喜年登開酒社從無吏

下嶺鄉隣鱸魚正美蓴絲滑穩臥蓬軒未厭貧  
留別羅大行西溪

白蘋風動起微波秋草連天客渡河多病自憐歸  
計晚別情無奈故人何 金門待漏時聯步蕭寺  
尋僧每共過更愧題詩遠相送幾回吟望隔烟蘿  
彭美門學士奉命祀闕里便道枉顧  
瓊豆尼山重詞臣舉祀初別離憐好友風雪枉吾  
廬龍節隨 王命隣人看使車全家承問訊感歎  
意何如

張大行肅昭頒 詔淮上道經任丘遣使問  
訊余病不能走晤兼有所感并書見意

舍人稿卷二

九

聞道皇華客乘輅此地過名家出燕國使者得隋  
何 帝德昭無外臣心矢匪他 恩綸光幕府行  
李向淮河雨雪千山道馳驅四牡歌 龍亭回晚  
照絳節映林阿休駕依館舍含情問薜蘿嗟余勞  
造化撫體厭沉疴暫假辭薇省閒居卜邵窩含沙  
偏有伺尚寐戒無訛將徙東方翼終操入室戈青  
雲餘悵望白髮在蹉跎愆忽形骸累牢曹歎息多  
獻斤殊自鄙適館悵如何

叢碧山房詩二集卷三

舍人稿

任丘龐堽雪崖著

元旦家居口號

盈庭燈火照輝煌柏葉香濃共舉觴  
記得前年此時節九重金殿賀君王

又

薄宦經年笑此身歸來重喜遇新春  
家儀秩秩先諸弟栢酒雙雙獻老親

又

纔從堂上賀年回弟娣連行各到來  
阿弟拜兄娣拜嫂一門和氣逐春開

舍人稿卷三

又

華燈簇簇重開筵佳婦佳兒奉酒前  
齊祝耶孃身體健雙瞻白髮過年年

又

阿宜五歲憐嬌小梨栗常從伯父求  
也說今朝新歲首學人跪拜過床頭

又

平頭奴子小奚童願祝新年好事同  
長得酣眠飽食飯等閒莫觸主人翁

又

往來親友交相賀舊俗從更士駭然寸大紅箋書

姪字家家顛倒貼門前

邑中賀歲舊用紅片簡或門設紙筆通記今竟用小

紅簽書名不分尊卑望門粘貼或倒或橫可笑

過樂上人菴中

偶憇依開士禪房分外清攝心持有戒觀法得無  
生落日寒林淨懸燈古殿明空知寂爲樂回首愧

營營

再到河間別孝緒

又向京華去重來念故人鶯花偏悵別行止不由

舍人稿卷三

二

身遭遇啞顏駟流年誰買臣喜君新報最相待立

通津

彭美門學士自山東回再承惠問余偶出失

祇待

東山殷祀畢日色改春溫偏以趨朝便重過故

友門偶然耽野興遂失繫行軒歸臥茅簷下懷情

那可口

與高子修刺史話舊

長安沽酒訂盟日帚屐追隨共後先淪茗時過高

閣下

時余寓慈仁寺

題詩閒倚古松前同心一別驚風雨

華髮相逢感歲年  
幸喜分符依孔邇  
相思騎馬到城邊

合人稿卷三

三

城邊

華髮相逢感歲年  
幸喜分符依孔邇  
相思騎馬到城邊

叢碧山房詩二集卷四 舍人稿

任丘龐 增雪崖著

途次修武張慧生大尹欸留卽席

雍城亦古國風景至今存流水環山郭荷花入縣門  
俗貧常寡訟戶少不成村桑梓情偏篤篤慇懃繫  
客軒

道經山陽城有感

人生聚散傷心處彼此千秋共一時我有故交零  
落盡黃公壚上莫題詩

偶病憩河內

舍人稿卷四

暫從河內駐征輪茅店炎蒸氣不伸浮世交情誰  
獨重窮途僮僕自相親無媒仕路憐將老多病生  
涯患有身攬勝橋邊遙悵望鄉關渺渺暗傷神

途次遇李吉占從弟詢容縣

屬廣西  
梧州府

風土并

李近況喜慰有寄以詩代書

嶺南一別經三載消息初從河內傳百里人烟連  
市井四時花鳥自山川休看風物悲吾土喜說身  
強過往年道路匆匆逢令弟憑將詩句到天邊

早行值雨避僧舍

六月行程愛早涼平明僮僕捲衣裳那辭避暑留

河朔

河內令李荷  
爲留余不在

爲憶同人赴洛陽

注舟次爲河  
南守特過訪

劃地奔雷纏急峽漫空凍雨溜前岡山僧煮茗如

朽待一笑開門坐竹牀

雨中渡黃河

雲垂水立浩漫漫一瀉還應萬里看雷電纏空低  
伏雨鼉鼉蹴浪起驚湍輕身未厭風濤險薄俗重  
憂行路難擊楫中流忽已過前村烟火出林端

千祥菴

在洛陽  
東城外

中贈了寒上人並寄憫忠寺

若公老友

相見不相識通名久共語幾年同冀北一笑遇河

舍人稱卷四

二

南留客分禪榻焚香禮石龕遙憐若開士寂寞守

經函

贈汪舟次太守

獻賦當年近紫宸班聯濟濟共相親殊恩特

拜二千石故舊常懷五十人雨雪天中行郡日

注

戊辰冬  
底受事

風濤海表泛槎辰

汪會出  
使流球

茫茫世事誰能

料無限升沉感此身

又

使君高卧意何如洛下風烟駐客車道路重分千  
里外弟兄遠別五年餘清時莫薄淮陽守白首誰

徵太史書惟有吳公留治績賢聲前後足相於人  
洛  
強汪德政以爲  
吳公再見云

郭氏園林  
金吾郭五宗別業在城中西北隅亭臺剝折竹樹蔚然有山林之致

訪友初過洛炎天駐客車偏憐池館勝肯借故人  
居竹密惟通鳥花香欲襲裾從來說西宅  
西宅潘岳奉母處在洛水之南岸

於此復何如

又

別業開雲水幽偏足自娛掃牀留故客命酒出中  
厨樹愛雙桐老山憐片石孤高談饒意氣應數郭  
金吾

舍人稿卷四

三

又

亭小疑浮出潑澗水一涯古藤牽細蔓獨樹發高  
花竹几攤書穩匏尊引興餘人生原逆旅得住卽  
吾家

又

旅邸真無事微吟倚檻前晚烟浚灌木暗露濕香  
蓮就月頻移席留僧喜近禪此間差可樂鄉夢莫  
相牽

又

身病怯長路閒園借小安松涼收枕簟地僻不衣

冠悟道觀朝槿臨流憶釣竿  
鄉山吾去後花月好誰看

又

怪君久不出應戀水雲居  
興到親澆竹閒來或枕書  
薄田惟種秫小沼自生魚  
向夕一尊酒翛然與世疎

又

負性耽幽僻娛情得此園  
澆花穿露井度水踏雲根  
司馬才何有嵇公懶獨存  
故人仍謬敬車騎屢過門

汪太守隔日一至寓

舍人稿卷四

四

又

一夏又將盡他山老客栖  
新篁凌檻出野鳥背人啼  
對雨思鄉吠閒遊愧小妻  
東都望瀛郡猶隔汴城西

時擬至開封然後北歸

又

洛下多人士逢迎靜往還  
吟詩常過日映竹獨看山  
歸計終難定鄉心豈暫閒  
壺觴勞地主朝夕共追攀

又

層軒暑不入雲水湛清幽  
綠重看江橘紅垂有石

榴生涯常作客物色欲先秋何日山資足歸與卜  
一五

葉元平見訪不遇留詩相贈依韻酬之

探幽偶向東城去求仲還聞到舍邊異地雲山遲  
悵望炎天裙屐枉周旋喜無題鳳含微刺謬許吟  
詩似古賢暑退秋歸堪對酒終期共醉碧梧前

洛城立秋日

十日閒愁愁不開上東門外強登臺家鄉悵望千  
峯外秋色蒼涼一葉來天地何心常作客河山無  
故白生哀銅駝金谷空陳跡古刹鐘聲莫謾催

舍人稿卷四

五

聽洛河水聲

洛水來何急滔滔繞郡城經年流不盡入夜聽尤  
清颯颯疑山雨瀟瀟亂竹聲誰能識此意川上共

舍情

和孫扶蒼見贈

旅館新秋少客過留君沽酒且高歌貧憐孫楚才  
名重老厭馮唐白髮多洛市風塵淹驥足鄭亭烟  
雨戀魚蓑客中莫惜頻來往計日輕裝又渡河

金谷園 在洛城西  
三十里

落日照寒流黃草蒙沙阜齊奴有別廬相傳此澗

口當其全盛時登臨集寮友果樹列前軒藥草延  
砌後笙筑相間作清唱激林藪紀氏各書官設罰  
惟用酒凋落合有期性命焉能久著後託詩篇作  
名遂不朽

晚登九龍臺望邙山有感

遠客逢秋心易哀斜陽多病復登臺燕山悵望無  
書札洛下招尋有酒杯古剝焚香僧定後高城吹  
角鳥飛廻北邙松柏傷心地回首浮生萬念灰

初秋郭雪樵携酒同令姪五宗賈小彭文學

招遊周公祠納涼

合人稿卷四

六

今夏夏熱秋轉熾白帝失柄祝融驕心煩氣喘燥  
欲死郭君置酒來相招周公祠下新涼好乘朝走  
馬踏秋草洛陽才子賈生孫小阮金吾同就道輦  
飛螭架何堂皇老槐落花覆堦黃分漚定鼎業不  
朽袞衣赤舄揚靈光殿後雙楹接殿起豁達長風  
來萬里披衣乍覺纖絺輕縱飲寧論觥籌駛殿西  
小閣高崔嵬趾趾荒磴延蒼苔太室一柱排突上  
御砦如日砢砢開伊水逶迤洛水急邙山日暮陰  
鬼集直是當時豪貴人寂寞榛荆空悲泣噫嘘嘻  
今古茫茫等逝波燕山遠容髯已皤功名富貴草

頭露況有知已同高歌相看不飲欲如何

晚坐書廨

林深地僻欲黃昏已有蟲聲遶砌喧不見鄉書來  
雁塞空看秋色滿龍門問園日夜人將老失路悲  
歌性獨存洛下年光亦蕭索一燈潦倒對殘尊

贈尚若日

尚生望古真狷士洛下飄飄歎轉蓬幾處書傭輕  
竇舉何人文似識楊雄一廛授土終難墜尚闕人  
隨衆屯  
田貧不  
能耕三十無家詎屢空尚年踰三  
旬未娶說與憐才汪

太守急爲設策救途窮

舍人稿卷四

七

七夕邀葉子過飲不到以詩來戲答原韻

竹樹蕭森日又晡重逢佳夕旅情孤漫陳瓜果羞  
兒女強設盃盤待酒徒免俗未能聊爾爾高歌何  
事感吾吾誰憐不乞天孫巧一拙從教老是夫

早秋龍門懷古

設險驚伊塞千秋王氣遙川流回左側天闕挿層  
霄牲璧追神禹河山送列朝斜陽憑弔處草樹正  
蕭蕭

又

關口通南北風烟萬里收山連楚塞遠木向洛川

流古樹分殘照涼蟬報早秋昔人遊賞地蕭索動  
閒愁

又

重崖突如擘一道豁青天石壁層層佛  
兩崖刻鑿佛像無數  
山根處處泉人烟通洛下風雨會嵩巔客路驚奇  
勝題詩紀歲年

同諸友登禹王閣有感

峩峩丹閣倚層空疏鑿千秋誌禹功

洛志載禹鑿伊闕以通伊

水闕塞龍歸喧啞峽口嵩高雲斂出天中客程欲轉

梁園駕鄉信猶遲碣石鴻醉倒尊前憐勝會天涯

能得幾回同

舍人稿卷四

八

賓陽洞小飲念劉鳧山不到

曲折綠苔磴探幽到上方懸崖通佛日苦竹隱僧  
房陰壑魚龍冷清秋草木黃銜杯此地好疎懶笑  
真常

白樂天墓

在龍門東側

少傅唐時傑荒墳對水濱老充鄉社長詩壓故時  
人松柏摧孤樹狐狸託近鄰高名果何用遙望一  
沾巾

過安樂窩有懷邵夫子

百愛邵夫子千古真蓬生讀易忘寒燠元化洞幽  
精理明數豈違道足物自輕結廬洛水止安樂非  
虛名吟詩何必苦逍遙暢心情  
訪古問平泉所見但荒草愚哉贊皇公承先事締  
造花出日南嶺鳥來隴西道作書戒後人木石以  
爲寶寧知崖州行厥躬不自保我來當清秋露白  
風浩浩岸谷尚未移故物跡已掃披荆覓殘基漫  
滅誰能考

晚出銅駝街

舍人稿卷四

九

落日東城外荒荆沒斷垣銅駝已不見況復問宮

門

對月

徬晚增微涼草蟲鳴不歇空階重徘徊愛此梧桐

月

登邙山望漢諸陵有感

北邙多古墓細碎誰能窮園山起西北纍纍積豐  
隆云是漢諸帝骸骨託其中繼體中興後勢位何  
尊崇盤龍護寶座丹鳳繞簾櫳金殿臨御階拜下  
俯王公過闕誰敢顧出入同鞠躬住世無長年龍

去悲遺弓往往樵牧人磨刀升其宮勢隔分雖殊  
理感情亦通念此愚賤驅誰堪問所終日暮歎息  
去鳥雀呼悲風出人同

寄耿逸菴先生

北闕蒲輪承  
召日風光回首數經秋廣川自昔  
知難遇司馬於今亦倦遊家近名山堪送老道成  
白髮更何憂偶從洛下逢高業見說平安慰客愁

荅劉鳧山有贈兼別之

久住原非計將行意轉遲交情投異地送別感新  
詩道路成吾老雲山繫爾思離歌聲自苦況值早

秋時

舍人篇卷四

十

留別洛下諸子

洛城木下水微波白露迎朝初渡河歸客休憐行  
色晚輕裝饒有贈詩多雲山遠送終分手世路難  
言且放歌爲語諸君須努力人間歲月易蹉跎  
寓中同郭五宗話舊兼留作別

往者在輦下塵市苦闐喧共賃慈仁舍東西對寓

門官事雖分曹出入同禁垣退食有餘暇步趾

互扳援更携馬常侍

馬名雲從明季  
司禮監南司

情好如弟兄

看松常握手見月必開尊歡樂難久長分飛際心

魂君行感蓼莪寂寂歸山樊余亦困風波仕路見  
覆翻改官中書省重承 聖主恩馬老遂云歿魂  
魄守孤墻生離心已折死別聲復吞念我平生歡  
獨處寡笑言以茲實倦遊養疴乞田園故人東都  
守意氣頗孤騫相思聊命駕千里驅行軒嵩山峯  
巒高長河波浪渾懣跡都亭下憐君故情敦空堂  
留遠客供給接饗殮今夏盛毒熱日氣赤如燉汗  
流氣不蘇躁急結煩寃賴君池館勝清涼能自存  
曉吟修竹下暮倚青桐根西風催歸思僕夫回北  
轅世事如江河一往誰能反感子殷勤意欲語難

舍人稿卷四

十一

真論君其勗高節永念託瓊璫

白馬寺

漢明帝遣蔡愔等西域求法遇摩騰竺法蘭以白馬馱經及釋迦像赴震旦愔偕至洛陽建寺遂以白馬

名舊有南北二臺遺址尚存

豳經傳白馬古剎出層霄大法傳西土高臺起漢  
朝松杉依曲徑龍象護懸橋尊者仍陪祀千秋共

不祧

摩騰法蘭像

像在東廡

宿袁紫宸山莊

石居聊避地客到旋開關鳥散簷前樹秋生檻外  
山風塵惜屢別身事厄時艱尊酒燈明裏爲君一

破顏

又

洛陽憐數會村舍約重過有底關情極其如遠別  
何幽林移翹翹秋水偃黿鼉莫話前宵事偏增歎

息多

時遭盜

鞏縣道中

重崖橫欲塞箭括一門開嶺勢環相抱河流側讓  
廻我車愁屢折我馬歎虺頽忽覺崎嶇盡狂歌晚  
興催

汴城晤王崑石觀察言下有感

世事已如此吾曹且奈何閉門高卧足把卷夜吟

舍人稿卷四

十一

多荒徑存松竹秋風到芰荷相逢憐道氣斜日一  
長歌

宋故宮

宋代皇都此汴中滄桑回首歎何窮可憐花石繁  
華地草屋河沙壓故宮

金明池懷古

池周世宗開宋太宗用習水戰今廢

昔者曾見金明卷

元人王振明有金明池畫卷

今朝親到金明

池金明水潤形勢在極望不見東西涯憶昔卷中  
多景色瑤宮璇室光離離北接長河爭澎湃西影  
太室涵參差龍舟天矯張鱗鬣壯夫擊鼓揚旌旗

回首北向叫漢武氣象欲壓昆明池周祚忽移宋  
社屋滄桑轉眼萬事非神龍一去波濤靜洲渚無  
光留空陂涼蟬聲急草蟲苦白沙如雨隨風吹燕  
山孤客好感慨白頭蕭颯來題詩人生萬事圖久  
遠繁華肯憶凋落時天地無情會歸盡太山東海  
同遷移行年五十見事晚獨乘駑馬將安之

臺下良嶽

在城外西北宋道君皇帝建

峯壑頽殘汴水邊斜陽秋草殢寒烟淒涼樵牧聞  
歌日想像鑿輿望幸年花石八方歸御苑夢魂五  
國阻冰天縱饒化鶴來華表城郭人民不似前

汴城雜興

舍人稿卷四

十三

汴城秋日霽晴暉風捲河沙上客衣五土鄉音生  
曉市萬家新屋敞烟扉宋朝宮殿無踪跡周邸樓  
臺有是非極目西來山色在千峯嵐翠接霏微

又

雉堞逶迤帶晚霞西風涼吹動悲筇樓迎太室孤  
峯出城背黃河九折斜原草久荒公子墓市塵誰  
問賣漿家殘燈獨夜開尊酒岐路萍踪處處差

又

斜陽吹角動譙樓景色蕭條此浪遊燕塞河山迷

遠望梁城風土入閒愁陰雲不降三秋雨賦斂空  
深萬室憂爲語諸君須作意雁鴻合有稻粱謀

又

繁臺倒景入秋晴鐘定長衢市語清草榻難呼羣  
僕睡孤燈自照一蟲鳴依人計拙離鄉土當路權  
高賤客卿千里燕關殊未遠明朝便擬出梁城

高須容賦千里燕關殊未遠明朝便擬出梁城

繁臺倒景入秋晴鐘定長衢市語清草榻難呼羣

僕睡孤燈自照一蟲鳴依人計拙離鄉土當路權

高須容賦千里燕關殊未遠明朝便擬出梁城

繁臺倒景入秋晴鐘定長衢市語清草榻難呼羣

僕睡孤燈自照一蟲鳴依人計拙離鄉土當路權

叢碧山房詩二集卷五

舍人稿

任丘龐增雪崖著

庚午人日晏集

家居重改歲獻節此開筵待客占人日分支紀馬  
年比鄰通欵洽禮數共周旋生菜青絲細銀魚雪  
片鮮直應依故舊那合背林泉嚴假旋將滿離心  
忽暗牽放歌饒病後屢舞起尊前酒蓄重陽釀燈  
先元夕懸他時應悵望卽席好留連拚取今宵醉  
休聽曉漏傳

齋中聽雨有會而作

舍人稿卷五

零雨從東來浮空漫浩浩大哉皇天仁庶族回枯  
槁簷霤何淙淙庭坳宛行潦浸淫階砌間爲我生  
春草竹樹發華滋葱蒨顏色好坐久無餘聲虛堂  
失昏早轉覺耳目寂萬機寢懷抱發育感自然有  
爲非至道誰能方寸中冲夷常自保

初度日放歌

十年貧遍長安居故園舍在同蘧廬去秋身病懇  
乞請天子暫許離中書四月始望吾誕日家人  
設席清堦除行年五十又一歲顛毛種種身籛條  
朝來北堂初進酒跪拜歛側筋力疎 老父微歎

老母笑見曹乃弗渠翁如弟姪紛紛共稱壽何以  
讌之鷄豚魚松竹影移日將暮中座不飲生躊躇  
苦戀薄宦困奔走不安時命何其愚策足要路須  
巧力多金高位非吾圖迂拙頗遭時輩訕人生何  
必拖青朱眼前假限又將滿趨裝行且還京都重  
謀歸計俟後命庭幃終擬陪歡娛好備鎌刀浚深  
井看余學圃城南隅

讀書臺懷古

步出城北郭東望讀書臺相傳吾丘生故宅臨河  
隈文學動人主徵召出蒿萊嚴朱起同時聲華震  
八垓我來披荆綦懷古欽雄才空見濡水流斯人  
安在哉大雅不復作回首令心哀

贈一覺上人

花宮雲樹覆青烟香饌分供上客筵僧臘再添憐  
此日松陰無改似前年戊辰會  
爲致祝曹山嫡派能傳法

龐老家風舊喜禪未了官緣慙再出相留棲息感

君賢

張柳塘舍人假歸

童稚盟心雁水前送君此去更悽然閒階月上論  
文日別苑花開載酒年正擬同朝陪笑語重因多

病乞林泉程途賴說家鄉近消息須傳到客邊  
送秘仲負祠部權稅蕪湖

故人持節向蕪城驛路南天半水程多病漫愁前路遠一尊且喜晚涼生水門帆動商船過桂樹花開客署清鞀鼓遙傳邊塞急故園回首倍含情

送申敬敷宰宜陽

一曲躑歌咽不休故人試宰向中州魚龍氣靜黃河夜禾黍涼生少室秋百戰烽烟連絕塞十年風雨畔牢愁酒闌日暮分携處厭聽驚鴻叫遠洲

重陽前數日東登舍人宣之

舍人稿卷五

三

貧中難負重陽節強插黃花徧客居君但能來就秋色相留燒笋借僧厨

又

今年九日有花開新釀牀頭旋醖醅更說登高此地好寓居東畔是香臺

爲先職方兄寫二十三年 覃恩敕軸

鳳池初授草擲管泪沾巾忍把郎官軸空悲畫省人  
紫泥承寵日白髮蓋棺辰十載長安舍憐余  
意獨真

又

八年司馬署千里異鄉魂

兄弟山病  
李揚州

松柏添新塚

紛綸感舊恩精靈應不泯官號念如存萬事非君  
有持茲慰九原

又

草就重披卷悽悽意不禁官憐郎署老人隔墓門  
深一命承天語千秋慰子心雙親膺寵贈感動  
夜臺吟

九日雜興

今年九日又京華旅舍幽偏興轉賒近寺喜聞雙  
樹法官貧強買數枝花鄉田禾黍收新粒關塞烽  
烟息暮笳如此風光吾不醉邨能愁坐作生涯

舍人稿卷五

四

又

千林黃葉雨蕭蕭籬菊花開又此朝故國經秋三  
徑阻殊方多病一身遙家貧差喜高堂健嬉戲偏  
憐稚子嬌惟有此情消不得空庭徙倚益無聊

又

蒨秋佳色滿晴空天子朝居御苑中見說稱觴

先聖母

時皇太后  
同幸暢春苑

更聞戲馬出離宮隨班近

侍收封奏振旅將軍論首功虛點班行無事日甘

泉欲賦愧難工

又

招提地古少經過良友相逢感慨多

米紫來携酒過寺呼共飲

九日筵前悲聚散十年意外各風波黃金結客心猶在白髮催人老奈何欲向空門覓消息免教身世兩蹉跎

又

客邸今晨樂不勝太平風景興堪乘八方貢士升

京兆

鄉榜前數日放

三捷全軍奏白登過市何人狂使酒

隔籬有客喚尋僧閒官偏少閒筋力臺上題詩我未能

合人稿卷五

五

又

古刹樓高遠市塵斜陽紅樹關鮮新千秋令節傳今日幾輩登臨憶古人已識浮生同逝水急須行樂及當身何心更灑牛山泪百度權娛滅一巡

又

燕臺南下草萋萋漫把茱萸意欲迷羸疾關心惟弱弟寒衣送遠待山妻離鴻厭聽中宵過歸路愁看落日低相見無由聊寄訊鄉書一月幾回題

又

搖落西風萬壑哀十年客路老金臺桑乾水落魚

龍夜碣石秋高鴻雁來老衲圍棋開對局鄰翁泥  
飲暮啣盃浮名身外何須問取次常憐笑口開

又

忽忽京華又暮秋興來今日復登樓百年抱病慚  
朱芾三仕爲郎笑白頭好夢未須貪昔昔結亭只  
合號休休故園諸弟知吾意修竹新開一徑幽

登宣之舍人趙素臣秀才過訪留飲

西山寒色起秋烟客舍留賓也可憐蔬菜厨空無  
好味柴門地僻辱高賢白頭偏落叅軍帽沽酒新  
分司業錢疎懶如余君不厭衙叅無事許高眠

又

舍人稿卷五

六

到門有友喜相將一笑開尊共舉觴孤客悲秋歌  
欲放寒花插鬢興尤長生憎落葉辭高樹不分齋  
鐘報夕陽耳熱酒酣重起舞阿奴狂自舊來狂

懷李渭清雲南典試未回

翰林才望滿京師客舍逢長靜有思萬里雲烟迷  
督亢九秋風雨會滇池殊方尊酒詩成後暹夜情  
人夢到時未及吾來君已去至今重悔別家遲

題對山圖贈別李吉爰侍御

生事堪高臥田園愜素心斜陽寒樹遍秋色閉門

深酒熟新收秫狀橫舊買琴青山饒近眼相對短  
長吟

有感

參知黃閣分原尊十載曾同沐  
主恩趨走自應驅瘦馬相過漫擬賦高軒  
前呼累月空傾耳飛帖  
今晨始到門不是貴人多失記時移身賤不堪論

僑居

僑居依古寺落葉閉門深  
棋共山僧下詩偈小  
弟吟年華從老大仕路任浮沉  
昨日鄉書到平安慰客心

舍人稿卷五

七

莫州有坊曰昭君故里按志齊神武第子

妃婁氏小字昭君莫人非王昭君也行人有

以青塚琵琶弔之者因作此詩以正其誤

婁氏女兒家莫上長成窈窕作齊嬪無端偶合昭  
君字幾誤當年出塞人

又

昭君同字不同姓莫北荆南各一方說與行人休  
錯認琵琶馬上是王嬌

燈下同弟重作

疎燈分靜照瘦影可憐生有底嫌吾弟無端似阿

兄度朝惟一飯把卷過三更偶說家園好低回免  
有情對李吉瞻

小至日懷徐勝力

相待京華久仍遲使節歸蠻方無雁過葭瑄有灰  
飛白髮年華逼青雲故舊稀子懷那可道渺渺立  
斜暉對歐南華陸大樽

又

相知君獨早寸載共京師編紵訂交日蓬萊獻賦  
特別離傷歲晏雨雪念歸遲遣意惟尊酒淒涼強  
自持

舍人稿卷五

八

又

古道曾相許論心憶舊盟登堂同拜母序長合稱  
兄十載承明直千山貴竹行天南懷使節愁共一  
陽生

懷思南守劉六皆

一作思南守京華隔四年歲時人自老詩句好誰  
傳狡狴沿谿舍牂牁下水船路長箐竹密無夢寄  
君前對李吉瞻

懷李吉瞻

前歲中州道相逢舍弟來重開筋力壯無邨鬢毛

催雪片經冬少山花遍地開官閒一盃酒曾否憶  
金臺

同蘇鈍夫臧介子胡鹿亭晚過憫忠寺訪若

其來之止人用壁間韻

勝地松杉引悠然出世間懸燈開古殿倒景下寒

山晚磬聲初歇雲房靜自關官閒笑吾輩終讓老

僧閒

陳繡峰戶部以海魚松茗見遺

魚吾所欲茶吾癖遠餽兼承感歲闌久得傳經同

陸羽不勞彈鉢效馮驩賓筵中酒寧憂渴午膳炊

羹好並食千古清風懷仲叔空貪口腹愧交懽

舍人稿卷五

九

除夕同信公翁寓中守歲

聲聲爆竹漫相催臘盡長安春又來棣萼有詩聊

共和梅花向曉直須開休思鄉舍經時別且進屠

酥最後杯五十爲郎信衰晚寸心猶擬報涓埃

又

我來帝里夏方半轉眼年光臘忽殘饒有高歌

倚弱弟邨無濁酒佐辛盤墻陰雪濕旋開凍堦下

松青好耐寒自哂疎慵厭酬應宜人暢合是閒官

又

家家競辨窮年供中舍先生閒自如摩詰有心軌  
寂樂龐公賦性愛風疎身經三仕仍郎署老戀  
雙親想舊闈唯有此情長不解纔隨鳳去又春初

舍人稿卷五

十



雙親賦善... 五... 不... 鳳去又春初  
守... 鳳去又春初  
本... 鳳去又春初

叢碧山房詩二集卷六

舍人稿

任丘龐 雪崖著

元日試筆同信公第得辰字

青陽乍轉入初春萬國朝元又此辰  
疎懶性成寧作我風塵宦薄強隨人  
他鄉兄弟一尊共 帝里衣冠萬戶新  
白髮漸添筋力減茲生何以報 親君

元旦早朝

星回斗轉禁城隈閭闔鳴鐘次第開  
萬里條風迎曉入 九重春色白東來  
卿雲擬上昇平頌湛露

舍人稿卷六

先沾獻歲杯

是日有晏

聖德如天期共報一時拜舞

咏康哉

春日過西海子恭望 瀛臺有作

太液環西苑東風解凍開遊魚吹沫出垂柳放青  
回樓迴宮雲護春遲晝漏催當年陪 賜晏龍舸

正并瀛臺

過白塔寺

鷺嶺逼湖水諸天儼上頭鐘聲傳遠岸塔影漾中  
流內府香花盛番僧唄梵幽誰憐空寂地曾是舊

粧樓

寺即蓮后枕粧樓故址

舍人稿

送蔡方麓中允歸省

方春不可別，知子戀庭幃。  
詔下辭鸞掖，歸來換綵衣。  
江魚衝岸躍，鳥鳥趁朝飛。  
余亦懷明發，長歌愧式微。

張毅文約同桃園看花及期別出余獨往取  
醉張以詩責負約兼訂後期戲用來韻荅之  
貪赴看花約，相過及早晨。  
掩關重郤客，獨往詎需人。  
一盞前村酒，千枝古洞春。  
傳言謝張子，再去恐迷津。

金容寄萬仙期明府

舍人稿卷六

二

金容城裏傷初別，宣武門西憶再逢。  
幾載同心餘悵望，片時握手失從容。  
江連赤壁風濤濶，春到黃梅黛色濃。  
一入中垣重乞米，三年辛苦歎書慵。

食法嘉魚令歌

有序

粵宗右魯兄，宰嘉魚夏寇變。  
力捍孤城請鎮兵，誅賊事平撫軍薦。  
其才竟以親老乞歸，歌以贈之。

對五以贈之

武昌城頭鼓聲起，三千官軍化賊子。  
白馬盟成氣已粗，劫質官吏掠城市。  
逆旗指處天爲昏，男逃女避哭聲吞。  
湖北郡縣五十二，孤城唯有嘉魚存。  
賊

來逼城令宰怒手劍登埋氣如虎仰攻四面羅紅  
中告急中宵馳白羽洞庭飛渡援軍來魚料山前  
大會矜我師賈勇賊師懼雄劍一動冰山摧長鯨  
授首江漢定論功首上嘉魚令倚閭回首念庭幃  
拂衣却請還山徑嗟爾區區今之人口談節義心  
非真誰能臨危不受身誰能辭榮不遺親吾兄至  
性何菌輪功成揮手離風塵高堂白髮供昏晨獨  
不見松柏蒲柳同生植未遇歲寒那可識

清明偶成

寓僻無人至詩成祇自吟白頭方歎老令節更驚

舍人稿卷六

三

心餒粥香隣舍鶯歌喜上林年年逢此日微雨灑

輕陰

春日感興

春深草色上階除抱病經旬掩戶居家儉常容頑  
僕悍官卑能使故人疎盃乾醺甲尊無醪帙散青  
縑案有書聞道西山花事盛出門虛擬問籃輿  
又新  
僧寮幽僻遠層城借我安居遂嬾情半世浮名吾  
白髮一年好景自清明卽看花鳥愁仍劇若望松  
楸恨轉生靜掩齋房初絕粒短簫休聽賣錫聲

又

惠連詩思自清新相伴西堂又暮春聽鳥有時依  
綠樹尋僧隨意過東隣兩人各瘦翻憐第五斗無  
多好供親敢薄中垣輕寸祿我來原只爲家貧

未效又

官貧身病依僧舍只似枯禪不似官廡下聞經憐  
晝靜松間過雨畏春寒食輕自信除葷易累重方  
知出世難茗椀香爐聊自適休將閒事擾清懽

送伯達姪下第歸陸川省侍

才大成須晚歸途好自憐白雲陶令舍

其父爲嘉魚尹春

舍人稿卷六

四

水孝廉船翠竹齊人面

竹根對節處如人面故名

蒼苔綴壁錢

稱觴家慶好重賞舊林泉

未成

嶺南萬里道君去倍關情啼鴉三春暮孤帆五兩  
輕讀書精舍近扇枕暑風清回首憐癡叔白頭宦  
未成

又

知有庭幃戀寧爲失意嗟行扳燕市柳歸看日南  
花白哲人猶少青雲路未賒三年重上計偕爾到

京華

送陸使君繼菴赴瀛郡

南國才名大陸多，  
寒帷前路悵驪歌。  
皇輿近屬今三輔，  
禹貢猶傳故九河。  
鈴閣畫長紅藥放，  
槐庭吏散乳禽過。  
郡人錯比張君政，  
隴麥園桑奈樂何。

戲柬宋稚公孝廉

官貧身病託僧房，  
草長閒階履跡荒。  
今日龐公踈宋子，  
當年杜老怪韋郎。

送李廣寧使君赴山左

故人尊酒舊相邀，  
秋水荷花倚檻饒。  
他日夢中應識路，  
衙齋還傍惜華橋。

丙寅余到濟南鮑運使相招飲署中故云

令人稿卷六

五

春日同張宮贊樸園李侍讀渭清學士公凱  
友人丘檢討季貞臧舍人介子張大理毅文集桃  
李園分韻得元字

風塵絕不到，  
久坐倚晴軒。  
檻外啼鶯合，  
筵前戲蝶繁。  
韶光春欲去，  
白髮興猶存。  
正爾憐嘉賞，  
林梢日

又昏

送毛遠宗下第旋里

誰憐不肯住，  
一掉返江津。  
寂寂收書卷，  
悽悽別故人。  
荆花牽弱弟，  
綠服戀慈親。  
有愧臨岐送，  
君應恕病身。

寄毛大可檢討

檢討今安穩別來又幾春家貧收芋栗宦薄謝風塵  
白髮新添子青山近卜降晴聰著書服應憶姓

龐人

擬

駕幸南苑閱兵應制

時將行邊大賚軍士

鳴鞭臨上苑左仗肅軍儀欲偃千秋武先揚長子  
師蛟龍纏畫角日月擁朱旗變化開雄陣驍騰起  
健兒弓鳴看落鵲劍鋸欲割犀商后崇先賞軒皇  
戒後期即看選日出萬里靜邊陲

送陳其白宰漢川

舍人稿卷六

六

百里江山古巖城漢水邊朝雲神女館夜火洞庭  
船少婦能栽稻江魚不計錢坵原連橘樹井落密  
人烟保障須良牧分符念汝賢家聲季方著  
陳子檢計其年弟也治譜太丘傳高柳斜楊外殘春把袂前簡書  
懷往路載酒悵離筵驛舍西通楚鄉心北向燕馬  
鳴聲漸遠回首一凄然

述舊懷李華西太守

幾年京邸憶追隨相得官閒引興奇處處花開同  
載酒時時竹裏共圍棋蠻方客去無消息碣石鴻  
歸有夢思幸託故人乘傳去一緘聊與寄新詩

送孟蘭谷之任連州

此去連州地南隣，瘴海濱。椰醺漿作酒，楓黑樹呼人。前路悲殊俗，辭家戀老親。離情那可道，回首念王臣。

寄張晴峯觀察

時備兵  
榆林

西望榆關道路賒，驚風颯颯起鳴沙。傳言盡道邊州冷，四月庭前可見花。

又

磧裏春深候雁還，故人消息到榆關。轅門高臥收金鼓，烽火連年靜黑山。

舍人稿卷六

七

同張樸園前輩李渭清公凱張毅文及信公  
舍弟增壽菴看牡丹

朝回邀客喜清晨，首夏風光自可親。尚有名花開勝地，休辭濁酒問南隣。杵飡過午香厨饌，野唱連行賽社人。棋局未收餘興在，數聲畫角起重闌。

午日以俸米送顧適園

艾葉菖蒲曉市香，滔滔夏景入端陽。綠絲繫臂憐

今日白髮隨朝黍，末行敢望官衣來。上賜重

分玉粒出官倉

是日領倉  
季米到

洪恩不擬私生受，餉

爾山厨好共嘗

又東適園

滴滴糟床新酒香  
興來呼客倒壺觴  
老逢令節情偏戀  
人遇同心話倍長  
顧况吟詩憐逆旅  
龐公伴宅喜僧房  
朱櫻角黍饒時物  
痛飲狂歌到夕陽

張樸園齋中值雨

性懶少過從  
興來念同調  
剝啄久始通  
山房何啻窾鳴禽  
閒相和花樹  
爭綽約造幽閒  
塵境靜者心恒妙  
發論感天人  
時時見精要  
或復著一局  
或復舉數爵  
不知山雲生  
雨來忽激激  
白日匿炎暉  
庭積靜流漂  
陰晴變俄頃  
人事焉能料  
薄暮衝泥歸

舍人稿卷六

八

出門各一笑

張肅昭侍御以書見訊感賦

成敗那可期  
萬事取諸已  
男兒有本心  
義分常自矢  
猛虎橫負嵎  
壯士寧不恥  
奮力起一擊  
搖落從此始  
蕭艾亦已腓  
焉能恩蘭芷  
秋風蓴菜熟  
長嘯歸田里  
朝看恒山雲  
夕釣雁河水  
浩浩十畝間  
逍遙率吾履

又

鴻鵠一以舉  
四海信縱橫  
回首視鸚鵡  
日夕徒營營  
念我平生懽  
膠漆固中情  
孤居感離索  
再見庭

草榮在遠獨不忘手疏寄京城軫我以多病勗我  
以令名言簡意彌長三復見真誠書紳永爲佩藥  
石安可并

昔余同涓清出郭訪晦巖禪者

花宮臨水岸地僻絕風塵有約思開士披荆領故  
人觀生知本幻問法悟同真幸託津梁近相從結  
靜因

一輩又

久息馳求念端居契本因草荒門外路烏狎定前  
身侍者形容古山厨供養貧偶然談論洽隨分更

舍人稿卷六

九

留人

又

一輩稱禪客誰爲本分人心依無相住家比去年  
貧映日松陰直眠堦犬性馴自今來往慣勝義好  
重詢

送張洙公少叅赴武昌鎮

昔余與之子同籍升天衢師承既共受

張與余同爲揚維揚

先生本房所薦

意氣仍相孚君就書省列余向承明趨驛

騶鳴躍去哀此轅下駒一跌不復振中路空踟躕  
喜君能奮發建節臨楚都男兒志建白良願幸克

俱嚴駕戒前路相送城南隅臨歧重分手分手母  
嗟吁膠漆情不解寧限江與湖雜佩非所贈相期  
崇令圖

偉載上人有贈次韻奉酬

花宮遣使趁清晨問我茅堂意獨真老子向禪原  
俗士寒山有句亦詩人遙聞出郭支藤杖先擬焚  
香拂榻塵多感瓊瑤來遠贈空階吟倚月華新

老郎吟

爲郎身老心何堅鸞披薇省通周旋風塵奔走逾  
一紀有官雖調原非遷客亭草長深一尺經旬高  
臥慵朝天盤中不知肉座上久無甌憎我莫須笑  
愛我莫須憐豈有男兒厭貧賤升沈分定由皇天  
米盡鹽空突不爨典衣適得三百錢東寺老僧開  
過訪開枰對奕情權然且買餅餌過今日世事誰  
能計百年

送馬昂千赴瑞州郡丞任

六月天南道炎塵夾路飛虎符分豫郡鏡吹下京

圻荷氣浮蘭櫂江光映葛衣華林啼鳥合

華林山在郡城

西章樹雨龍歸

章樹潭最深爲巨鱗窟宅

此別山川隔他鄉故

舊違前旌行漸遠回首重依依

蒼鷹吟

蒼鷹饑嘯盤高空勁翮如鐵凌長風肉視凡鳥心  
豪雄飽棄毛羽塗血紅長養身命須攫取人間乃  
有信天翁

送蘇耳鼎職方假歸省親

絲服東歸已有期追陪事往念將離春風花徑開  
尊日夜雪禪龕並榻時千里尚憐鄉路近一官真  
耐省郎遲蘇任國學人  
年始陞今職承恩美爾趨庭好子舍  
殷殷動我思

偉上人枉顧因訂出郭之期

舍人稿卷六

十一

剝啄驚殘睡通名一刺新喜看蓮社客來訪草堂  
人瀟灑披詩卷偉公以詩  
刻見贈疎狂岸葛巾東林重有  
約杖履更相親

暑日屏居偶然成詩

九市紅塵滿出門何處行寧防嘲熱客兼可息勞  
生散髮依松蔭支床待月明冷然晚風至懷抱有  
餘清

又

炎熇那可避閉戶稍應宜好客休相過絺衣懶欲  
披困來隨伏枕興至或圍棋日下多新事詢余總

不知

又

懶出愁炎景深居學閉關案拋書不帙徑沒草休  
刪入肆求蔬菜留僧話遠山自公揮翰罷蕭散有  
餘閒

小子

小子偷過市攤錢買草蟲入朝鳴不斷在野興還  
同餒養求生菜防閑閉竹籠時來有呼喚真惱主  
人翁

戲荅周稚楫洗馬有贈

舍人稿卷六

十一

越女織越羅皎潔勝冰雪裁作近體衣寧畏三伏

熟

又

紫檀截作筯重以白金鑲客盤縮首猶自笑不相

當

又

龐公单外客寄住老僧房珍重香囊贈不知付誰

行

又

一別三年久衰謝邴可看多感故人意特付紫金

遙哭寶抵杜相國

黃閣歸休日青門出餞時誰知一朝別竟作百年  
期賓客東山散松楸夜壑悲傷心重掩袂不覺數  
行垂

苦雨歌

桐葉秋傳第一日大雨翻空雲如漆從朝抵暮暮  
復朝街頭溜急深沒膝城頭鼓歇城門開平明上  
朝家人催門內水流趨門外驚波洶湧騰奔雷憶  
昔鹿城逢秋雨淫淫十日不肯住屋中張蓋聚同

舍人稿卷六

三

學泥滑沽酒輕長路又憶癸亥三伏中入朝值雨  
今雨同虎坊橋東水一丈街心淹死十五童今歲  
從春缺雨水小麥焦枯大麥死官吏諱荒急徵糧  
增耗唯多日敲比皇天降澤胡不均當年旱

潦災田里單帷不障雨淋身長安門外屯朱輪祖  
生真從屋漏出雨衣氈蔽伊何人投罷朝單吾且  
去今日未可揮絲綸

送李伯舍戶部出守都勻

萬里西風動客裳一麾秋色到黔陽交情忍憶十  
年舊夜雨重添七月涼箐竹和烟迷翠嶺蠻歌犯

曉起滄浪雲山杳杳征車遠何日徵書下帝鄉

秋夜感懷李高陽杜寶坻兩相國重有悼歎

當年居政府李杜本齊名相繼歸長夜何時見老  
成寒烟縈宿草秋雨灑銘旌失路憐知己通宵恨  
不平

又

贊皇能繼武

李故相文敏公子

鴻漸亦同升世好聯姻媿

今長子杜婿也

中朝並股肱典型傷共遠矜式欲何憑啣

啣秋蟲晚悲來更不勝

哭同年劉介菴侍御

舍人稿卷六

十四

生死古無常百年誰定期吁嗟傷吾友長與人世  
辭三載立柏臺岸然豎風儀必遇當言事亦能進  
直辭苟言希容悅慮爲後世嗤君年雖就暮精力  
未及衰皇天棄老成理數無乃岐要津不救貧辛  
苦徒爾爲寡妻將弱子歸路有餘悲

又

劉生際晚達持重見通儒嶽嶽惠文冠正色肅常  
途沉靜懷遠畧蕭然常自娛寧市朝朝廷權私植  
身家圖造化厄貞士厲疾迫其軀懷抱一未展年  
命忽焉徂青蚨鳴寒砌白露塗庭隅感此重傷心

已矣吾道孤

陸義山大史典試闕中爲其外祖父金譚兩  
公重修祠宇有感于心賦詩贈之

金公古遺愛開府臨八閩舊祠倚絕壁享祀昭明  
禮此地滄桑後干戈重相循輪奐久傾仄遺像生  
埃塵怪梟栖危棟鬼火吹青燐故老增流涕力屈  
志莫伸陸君持節來校士南海濱咨訪念所出瞻  
拜泣沾巾改祠西湖傍照耀湖水新亦有譚太僕  
亮節許同寅持衡領多士藻鑑頌如神古來有功  
德皆得食于民以茲合俎豆豈曰非通論興廢理

舍人稿卷六

五

之常繼起實在人浮俗薄天性私已遺所親誰能  
念宅相孝思周重姻我聞三歎息歎息感我身生  
小嬰疾患儒門出單貧惟我外大父憐愛如掌珍  
飲食兼藥餌絲髮皆情真生前盛官號沒後委荆  
榛自我辱通籍悠悠二十春時命良不猶所遇仍  
多屯懷恩空在念欲報恨無因唯君兩世戚廟食  
獲重申頌君兼自愧衷情難具陳

送顧亮文暫歸省母

時其父在都

西風動歸思一掉去金臺旅館牽衣別慈幃應去聲  
夢回人隨南雁遠秋逐布帆開客邸尤憐汝春明

好再來

聞 祖母李太孀人計哭于京邸

家信傳凶變開緘泪滿衣方懷北堂慶八月初六日壽辰

忍棄幼孫歸陸景情空切景孝事祖母齊喪畢猶執心喪崔駟志

轉違駟曾祖母以駟貴封儀成黃泉無路入何處奉音徽

又

呼天伸一痛慘極不成音行列諸孫長恩沾 大

母深養生無厚供送死阻躬臨縱有椎牛日終難

慰此心

又

舍人稿卷六

六

前歲辭 王母精神健白頭一行成永別再見更

何由忍料年難待空悲命不猶銜哀念虞詡詡以祖母

老不就生 負罪比山丘

哭妹妹適邊氏未久病卒

聰明推阿妹最小得 親憐木屐方新嫁蘭房竟

永捐懷余傳病後憶汝倍生前心解哭無益悲來

重泣然

又

一病憐吾妹云叵報早秋悲深腸俱痛家遠夢難

求骨肉埋黃土庭幃念白頭此時應憶汝相對泪

長流

送孔兵曹奉差北新

衰柳帶鳴蟬  
秋山淡晚烟  
故人持翠節  
別路向江天  
急管催終晏  
離心入隔年  
悠悠旌旆遠  
悵望一凄然

過崇效寺訪雪塢上人

返照開初地  
登堂識道心  
雜花綠砌放  
野草閉門深  
架列穀皮帙  
牀橫焦尾琴  
松風晚披拂  
瀟灑滌塵襟

前有猛虎行

舍人稿卷六

七

前有猛虎嘯  
後有餓豺鳴  
恃其爪牙利  
呀呀欲相攫  
所甘在人肉  
焉知畏神明  
空山日欲夕  
獨立重屏營  
自慚鷄肋軀  
焉令谿壑盈  
氣類與我殊  
理直莫由爭  
二卯誠有瑕  
三級何足稱  
行止信有命  
怨尤非余情  
塞翁朝失馬  
禍福亦未明

哭崔檢討宗五

崔諱如岳  
獲鹿人乙卯舉人  
召試博學鴻儒  
授翰林院檢

討以左調  
歸卒于家

尚憶論文約  
那傳凶問來  
十年辭玉署  
一別卽泉臺  
暗壁蟲聲苦  
長林落葉哀  
空庭哭君處  
迸泪滿蒼苔

又

昔君同翰苑志氣切中孚對草分官燭連鑣問酒  
壚風波曾共濟生死竟分途寂寞傷吾道哀吟意  
轉孤

又

淪落一生盡妻其百感興蓋棺無白日弔客有青  
蠅病剝年非老文奇命可憎素車吾負汝西向恨  
難勝

又

已歎追陪阻重嗟生死分千秋仍逐客七八託孤

舍人稿卷六

六

墳恨繞滹沱木窵凝抱墳雲童鳥偏早逝

崔長子補諸生

先卒誰爲守遺文

重陽前數日買菊漫興成詩

閨月寒偏早朝來乍隕霜煮葵供午膳買菊待重  
陽身世慚華髮雲山憶故鄉茱萸宜獻壽郵得赴

高堂

又

落葉隨風下黃花照眼新霜寒欺短褐宦拙愧時  
人乞米遲朝爨尋僧過比鄰天涯憐弱弟行坐共  
相親

又

插菊依荒砌寒香引興饒佳辰猶有待良友已先  
招高臥頻中聖狂歌懶上朝年光真可惜同舍設  
相嘲

又

西山秋可望斜景萬峰開巖際黃花發天邊白雁  
來賣糕從舊俗泛酒待新醅何處堪登眺還尋郭  
隗臺

又

白髮經三仕僧房住二年鄉車秋送米內府月支  
錢菊向園丁買盃同好友傳升沈聊任運不擬問

舍人稿卷六

九

高天

又

蒼黃羣木變秋色到城隅野菊交霜逕柴門對酒  
牆直應開笑口邨復哭窮途明日重陽過一尊尚  
可呼

余壘歸省

自到京華舍相依又一年高堂應問我莫說病  
如前

又

兄弟難爲別涼秋感倍深可憐今夜月兩地照離  
心

雪塢上人出所藏錢選花鳥畫冊索題分得

梅花爲賦長句

花枝欲動鳥欲語誰者爲之錢舜舉雪公愛比蘭  
亭真七寶經函秘藏貯朝來示我索題詩五色照  
眼光離離我披一幅一呼絕就中尤賞梅花奇此  
花不與凡花伍冰雪漫天飽辛苦南枝幾朵報先  
春等閒桃李色如土去年買梅寺東廂龍鬚虬臂  
一尺強骨格欲並章華古幽韻不減羅浮香今年  
十月已舍葦生意欣欣向山閣形容宛與此畫同  
只有枝頭少山鵲天寒地凍無風沙杖藜好過龐  
公家入門一見應大笑牕前倒影看橫斜

燕臺弔古

劉黃墓

諫議題碑字欲殘文章遇合自來難直言未許登  
高第朝命徒勞贈顯官日落青山啼鳥靜烟連紫  
棘墓門寒汗顏肯作當時語今日仍應望古看

又

賈島峪

峪口塗荒沒野榛當年曾住苦吟身登樓有誤輕  
質下念佛猶能起後人一脫空門旋及第前經宦

路只長貧盛名坎墮從來事落木蕭蕭歎轉新

又

李卓吾墓

苔封卓老殘碑在憑弔傷心駐客車舉世無人識  
奇士將金何處買焚書身雖可殺名難掩道豈全  
非氣未除知爾精靈猶倔強悲風颯颯動寒墟

### 喜雪行

渾河凍急蛟冰裂老鴉啄冰飛作雪上衝騎馬行  
復休路滑重防板齒折前者趨走右足傷子春負  
痛行踉蹌官閒無事且高臥却看落絮神飛揚吟  
詩何必灞陵道煎茶須學陶家好青山老去別有  
情瑤華滿地休輕掃飛蝗已損今年秋遺種還抱  
來年憂黃金難買此雪大黍稷有望豐西疇老子  
興發自今日手摺朝衫重出質巖風吹面比刀毒  
健僕出門如馬疾得錢沽酒鳴鳴歌寒空不動雲  
嗟峨堆銀浮玉看不厭酒酣耳熱奈樂何

### 出直後過登宜之

多時病足今方愈風力重增雪後寒旋着衣裳趨  
內府好乘車馬問同官書籤插架齊新帙庖饌留  
人過午食不是城門妨出入剪燈還擬盡餘權

### 宜之齋中喜識何公權

官衙西下路逶迤雪滑肩輿亦不遲  
正擬登堂逢故友却從傾蓋得新知  
論年直愧龐公老賦句初看何遜奇  
他日城南肯相訪煖寒有酒共君持

訪張敬止廉使

西郊從未到買宅喜幽偏  
寒影交鄰樹喧聲遠市廛  
相看憐白髮細話感當年  
多少風流事空存唱

和篇

追悼張淡明方伯

尚作平安問云亾痛一呼泪應今夕盡  
老覺寸心孤少賤慚先識顛危感共扶  
冥冥知有負遺恨失

舍人稿卷六

三

生芻

又

直聲留北闕遺愛滿江西  
正想山居好寧知墓草齊  
斯人難再見天道竟無稽  
野鳥何情緒斜陽故啼

又

一意甘清白薰蕪共苦辛  
民生徒誦德君側自無人  
青史誰能紀黃泉氣未伸  
應憐故時客掩袂

獨傷神

又

數過依鳥府多特別晉陽已應悲聚散寧忍見存  
亾舊好言難盡茲生恨並長明年寒食日終擬哭  
山岡

挽送梁相國喪視歸真定悼懷五百字

尊存  
元言

疊用  
義別

寒空慘白日巷呼驚聞喧遙遙輜車發會送出都  
門前途列鼓吹夾路引幢旛輿蓋像生儀翼布何  
其繁送客盡朝貴白衣如雲屯此行送者誰  
中  
勅丞相尊丞相恒嶽秀神降滹沱原奕奕公侯後

公諱夢龍玉友聯金昆公兩兄  
俱入座讀書見精理百

前兵部尚書

三

家歸一元博物析真廣公賞鑑古今  
書畫海內第一吐辭皆瓊

番高咏激粵嶠公有使  
粵詩刻妙唱發棠村公有棠  
村詩刻憶昔

先帝朝開館同西園維時風雲會河北才獨蕃

王李旣挺出宛平王文貞  
高陽李文勤楊魏爭高擗楊鉅鹿猶  
龍魏栢鄉

相維公展雄才伯仲互追扳嶽嶽七尺軀懷抱合

渾淪襟才如不及中立絕奧援幾見米山折終無

涇水渾五省歷尚書公歷戶禮兵  
刑工尚書三公起座論每

當休沐暇瀟灑坐前軒請謁無俗容興至或一尊

戲謔披卷快風雅獨相爰舉世推仲舉其誰疑公

孫繫余鄉曲士山斗夙所尊千木出西河澹臺中

子言傳習非親授道義實淵源六載承明直三年  
中書垣共託丞相屬

翰林中書皆以中堂爲堂官

追隨效趨奔

門牆詎敢辱顛連志尤敦屢歸請學圃一飽恥過  
藩寄栖祗洹舍和光混諸髡應訝饑同朔寧知病

非原速饒驚歲月窄轉笑乾坤周親不我顧焉望  
故舊存丞相獨高義每見色愈溫謬贊所作詩昌

言倚

重閣

每遇公于朝輒問近詩過加獎贊

時復啟東閣命酒

出盤殮坦然露懷抱明誨開吾惛世路防險巇人  
情易覆翻招尤雖非一多口爲本根

四語公命諒詞

欽茲

桐子命至今服無諼哀哉天不弔老成今安存所

舍人稿卷六

十四

賴賢良相調變回臙眚上以率百官下以惠元元  
展茲邦國活寧惟感私恩忍見輿襯去執紼哀聲  
吞悲風增慘烈流水咽潺湲風悲有時息流水何  
時反生存託華屋歿後委荒蕪崇班竟奚益故事  
安足言歎息晚歸來五內結煩冤

送姚華曾歸省

思親聊引疾前路問鄉車戀闕心長切承懽意

轉賒行將衝臘雪歸及看梅花送別翻新曲爲君

賦白華

又

亦有家園夢懷歸未得歸相看岐路別轉覺寸心  
違岸柳衝寒放林鳥趁曉飛稱觴春酒熟羨爾正  
依依

袁杜少編修寄木瓜數枚賦謝

華華黃金實纍纍含馨香睠茲江南珍何由到朔  
方佳人多好懷古處情彌長開籠感嘉惠觸手生  
芬芳思君比顏色金玉表其相思君比言詞蘭臭  
齊所將盼睐增愉悅懷抱何時忘

冬夜觀書有會而作

冬日夫何如功訖食與盥人生百年期日夜各相

舍人稿卷六

五

半日短夜則長分陰寧可玩繼晷以蘭膏披書恣  
靜觀作者心獨苦糟粕語尤誕天寒星漢高沉沉  
漏將判虛室如鬼吹氣嚴僮僕散疲極苦自禁方  
情託患難心往形欲死神會水忽泮欲語詞已窮  
喟然發深歎

偶然作

萬物更變化一體由自然無爲安可希有爲性逾  
遷至人得真宰與物無後先規矩在掌握面勢成  
方圓趨避理則存吉凶聊隨緣大禹行無事古今  
稱智焉

韓鶴汀招同沈竹西弔元封雪馬上人小集

分得侵字

酒熟重邀客天寒方共斟  
愁纔欲放飛雪莫相侵  
多病憐司馬清談喜道林  
主人饒逸興分韻索

長吟

對雪有感

大雪滿天地照耀生虛白  
飄飄隨長風漫漫混晨夕  
夕家僮掃不及庭除見堆積  
飛灑足散懷出門將何適  
去冬遭暘亢民間食無麥  
況乃秋多蝗遺種在阡陌  
驅之入黃泉理合用數尺

相傳雪深一尺蝗入地一丈更

舍人稿卷六

美

深入黃泉則不能復出天心詎傷慈匪類無足惜  
二麥熟可

卜大田種亦易所念市賈猾  
物價必涌益長安多貧人  
饑寒欲焉想朱門庖厨豐  
梁肉恣狼藉驕僕厭餘甘  
愛犬飽殘炙人我分既殊  
貧富情自隔軫此目前急  
焉待來年獲無力爲普存  
憂心悄相迫

雪後過菜市戲作

拍街一丈雪消作五尺  
泥人烟趨要路喧闐日中  
齊行者誰肯讓蹴踘還相擠  
少年赭白馬倏忽變鐵騾  
佳人茜紅裙彷彿爲皂綿  
肩輿行更難有若觸藩  
抵轉側多抵捨安能免  
訶詆捷徑易窘步紆

途少輪蹄考祥視所履持此代提撕

永懷

再來京華游奄忽將二載託寓喜幽偏踪跡聊自  
晦微官叨主祿職務安敢廢陳力就揮翰未覺  
後同輩退食有餘暇卷書常相對故識多顯達造  
門不請內豈誠見鄙薄自顧慚穢禦寒以羊裘  
佐食惟蝦菜興至或長歌歌聲何慷慨紛華信可  
慕吾鼎吾自愛高明招鬼瞰厚積滋人慾升沈亦  
無定義命知有在忍令蘭與芷化爲蕭與艾逍遙  
保吾素君子戒行悔

舍人稿卷六

七

夜夢臥室邊今室韓同坐余側邊笑言如生

前徐起云爲余作炊而余遽寤

結髮從吾賤云以痛腹悲那堪今夕夢直似下山  
時縑素休相比恩情兩不疑新人渾未識怪爾問  
晨炊

又

靈爽來何處中宵夢欲真可憐身後意不妒眼前

人恩遇誰同寵

邊以六載  
余始達

糟糠汝共貧傷心兩行

泪點點漬重衾

次夜復夢邊孺人同話女兒在傍若不相識

賦以志感

此夕憐君重入夢衣裳無改坐床隅愛緣直似忘  
嬌女言笑翻增戀故夫一念情歸同歷劫百年事  
往亦須臾分明已作三生會痛迫心傷夜欲徂

寄蒟蘆二枚賦以解嘲

匏生有苦葉託體圓西隅雖蒙主人顧未得高架  
扶抱此尋尺蔓焉懸五石瓠秋來亦結實長大與  
升俱同荷造化力母爲笑區區願言託良工雕刻  
成尊盃挹之可以飲提之可以沽信乏江湖用知  
免獲落虞感此珍重意藏之筭與櫛中流倘失船  
千金重可需

舍人稿卷六

天

雪後同韓鶴汀一覺禪者集雪塢丈室得陽  
風吹殘雪滿衣裳有客招尋興倍長路滑何妨呼  
蠟屐官閒只合話僧房板催別院消中飯禽下空  
階噪夕陽無事漫從樓上望淡烟寒樹似家鄉

喜得信公弟家報

客愁不出門寸心常草草顧影惟一身有懷欲誰  
道忽接令弟書書詞喜詳到土報老親安下問  
阿兄好次言家務煩料理有阿嫂小子勤句讀不

復爭梨棗大兒病新痊山房事研討僮僕守約束

隣舍無生惱俗以不通假爲生惱續及雨雪大祁寒增怨悞

縣中急勾銷追呼橫里老里中百餘戶吾家完獨

早餘粒在倉困餽粥猶堪飽得此聊相慰朗吟展

臂抱

短歌行懷麓公弟

有弟有弟客晉陽天寒歲暮雨雪長嶺路窈窕回  
羊腸猿猱無踪飛鳥藏馬毛如蝟四蹄僵天風吹  
汝薄衣裳引領西望心悲傷願得早來歸故鄉晨  
昏菽水隨高堂

舍人稿卷六

三元

寄劉元歎大尹

積雪寒生曉日新相思南望香風塵千重嵐翠連  
王屋九曲河流滙孟津病後夢魂愁遠道花時尊  
酒憶前春封書未竟燈光地十載心期詎易陳  
十一月二十八日 先母邊孺人生忌日感

懷

慈幃厭世後三十二經秋初度空相憶稱觴竟未  
由泪逢今日盡恨合此生休毛羽憐烏鳥吾真愧

汝儔

又

子月垂將盡空庭大雪飛生辰慈母背松柏墓  
門違道遠思偏切宵寒夢轉稀不如泉下婦魂魄  
得相依

哭姪韓二首

韓字希魏老成忠厚依余若父不幸以疾卒聞計慘傷詩以志

痛云

客中忽漫來凶問不信黃泉少壯歸魂繞松楸知  
有恨貧遺妻子欲何依百憂自汝遭孤苦韓少失父母  
一死從誰問是非白髮傷心逢歲晏寒燈獨照泣  
沾衣

又

舍人稿卷六

三

人世諸艱嘗汝遍泉臺一死竟誰期空思童孺相  
依日無復家庭再見時易簣難忘惟叔父遺言有  
託是孤兒明知老病妨哀損痛迫心來卹自持

何子公權攜近作過訪草具相留

遠道兼冰雪重勞過草堂避人同野處供食只家  
常才喜看英妙詩慚問老狂往來難屢聚相對惜

斜陽

撲滿

俗呼爲  
悶確

託質本泥滓蠢然蟠其腹曾入丞相室公孫弘拜  
相人遺劍

中撲滿  
各一剔出陶氏族陶器中最下  
故曰別族有癖等和嶠孔

方性所難可入不可出聚斂爲私蓄惡非封豕倫  
情與饕餮副借哉器量狹盈滿招顛撲守財爲他  
人自取隕身辱明哲識禍本卽物示警觸盜牛主  
人憎鬼伺高明屋乃知簞瓢子屢空以爲福

舍弟撮送米蔬等物至京遂留過歲

家鄉往返余憐汝取辦周詳汝念余客邸供飧宜  
脫粟辛盤獻節有圍蔬北風不阻連朝雪長路能  
驅滿載車更喜關情留共住重添形影伴離居

京邸恭值 老父壽辰有懷

青陽初應律

前二日  
五春

南望曉雲明遙想高堂晏難

爲游子情和風移酒味華髮喜春晴獻壽宜前席

無由去 帝京

除夕前三日韓鶴汀雪上人小集因過一公

丈室

雪消門巷擁泥沙良友相逢興轉賒白髮滿頭吾  
獨老青春幾日歲重華酒沽小市難成醉梅亞寒  
梢欲放花更喜及公鄰舍住追陪同聽演三車

除夕咏懷

向夕開尊酒燈光照客扉朝元依帝闕獻壽阻  
親闈故國經年別新春臨日歸家貧耽薄祿去住

湖心遠  
又復過殘鵬依然笑流囊身疏思藥餌客久憶家  
鄉窮豈文能送年知齒更長屠酥傳故事吾亦倒  
吾觴  
亦設椒花供還看燎火明老偏憐節序貧不廢人  
情有酒懼僮僕無家念弟兄前年此時候聚首話  
深更

舍人稿卷六

三

忽覩桃符換重驚物候遷鄉心多病後旅况一燈  
前日乞顏公米誰分司業錢寧惟守今夕愁絕久  
無眠  
比舍營年事孤居靜掩扉病多情緒減宦薄應酬  
稀市酒消殘臘朝衣待曙暉氣衰常畏冷辛苦耐  
春歸  
鄰舍傳觴會更深笑語清遙憐家室樂偏感旅人  
情病覺形骸累愁隨節序生故園兒女在隔絕歎

淨名

又

守歲京華舍辛盤菜縷鮮客居惟弟共酌酒更誰  
先僧送祈年疏僮分厭崇錢遲明騎馬出僕僕笑  
周旋

舍人稿卷六

三

賦

於爾歲祚年節酌令取舉發我門出對對笑  
守歲京華舍辛盤菜縷鮮客居惟弟共酌酒更誰

又

賦



